

諸

夷

考

諸夷考序

少司馬蔡龍陽公在粵藩時為東夷圖說首朝鮮終黑鬼凡二十餘國貌其形而各疏其山川風俗附以嶺海奇聞又總為之敘於盛衰安危之故三致意焉既梓行粵中矣越數年倭奴猖獗朝鮮窺遼左中土戒嚴督府蕭念渠公治師備海戈船下瀨之將雲布境上百執

事相見日談兵也於是中丞王倣吾公
戒先震鄰屬費唐衢方伯徵是書則司
馬遷秩時携其梓去矣方伯從民間索
得一帙以復諸中丞因謂不佞粵中不
可無此書不佞曰然適中丞朱明虹公
尸西南夷紀方伯見之又謂兩粵之
果西夷之為利害亦同也盍
詔不佞曰然廼采海圖說炎徼紀

聞廣東西志所載合司馬之書為諸夷
考以付梓人西戎北虜別為考以俟他
日司馬之言曰夷之盛衰中國安危之
係也豈不信然唐疲於吐蕃西夷也宋
敝於女直東夷也以古鏡今端可睹矣
然昔人猶有釋吳楚為外懼之說焉蓋
戎狄交侵而周業興呼韓稽顙而漢焰
燄盛衰安危機不在夷而在我姑無遠

引即以圖說中朝鮮言之隋煬窮四海
之力發兵至十三百萬東征再駕卒困
於夷唐文皇併天下乘百勝餘威滅高
昌擒突厥胡越一家而遼左無功齎憤
以沒何其堅也廼今最爾倭奴曾不比
於隋唐之俘虜一旦而舉朝鮮若振槁
何哉則以蒙中國字小之仁二百餘年
不見兵革徂於承平之故爾烏獲按劍

千夫不前釋介而寐童子得以制其命
矣易曰喪羊于易朝鮮之謂歟

天朝撫盈成之運匈奴解辮款塞奉約
東二十年窮荒絕島鳥言獸服莫不梯
山航海輸寶獻琛罔敢後期民亡援枹
之警士亡枕戈之虞是固外寧內憂之
會也既濟衣袵能無長慮故列叙諸夷
用備鑒觀且及近日朝鮮日本之事以

諸集卷之八
為狃泰寧而忘備者之炯戒倘亦司馬
未發之意乎萬曆壬辰秋日福寧游朴

序

百越先賢志凡例

一兩漢輿地志吳越之境皆會稽郡別為丹陽豫章故會稽之越夏禹苗裔也星散之後為王為君長濱於江南海上百越之所由名曰其君長所居地實遠至南海桂林漢以後州郡分隸名以代殊今志人物原本百越統其實也廬鳳淮揚在漢為東海臨淮二郡雖漢志盡屬吳分不得強同

一會稽秦置郡也地最廣斥漢分為吳郡然

地即太伯吳國南方精華之學蓋有孔門之
教焉今志所載漢之會稽漢之南海人士居
多諸郡什一廣陵固有邵平徐璆淮陰固有
韓信枚乘舒六固有英布文翁沛上固有蕭
何諸人非可因吳分而並存即子游季札亦
不錄也

一志內人物如隱逸方外俱依世代並與功
業文章之士皆曰先賢孔門且謂賢者識大
不賢識小皆為可師故稱先賢非故襲襄陽

者舊荆楚陳留先賢而為斯編也

一百越人物年歷久遠前代記載詳畧不同
今小善必錄不泯其名大賢功行即馬班紀
載或刪繁一二固所不見志專於詳載故不
加論贊

諸夷考一卷目

倭汎

古哩

榜葛刺

蘇祿

柯枝

祖法兒

賓童龍

重迦羅

吉里地悶

阿魯

麻逸凍

龍牙加貌

忽魯謨斯

忽魯母恩

阿丹

南泥里

撒馬兒罕

黎伐

天方

婆羅

古里班卒

合猶里

磔里

打回

日羅夏治

甘巴里

古麻刺

沼納撲兒

白葛達

黑葛達

敏真誠

八荅黑商

討來思

吃力麻兒

失刺思

納失者罕

亦思把罕

淡巴

甘把里

白松虎兒

荅兒密

阿速

沙哈魯

潘山

大葛蘭

小葛蘭

卜刺哇

木骨都束

竹步

刺撒

混淪山

靈山

交欄山

假馬里丁

九州山

淡洋

龍涎嶼

翠藍嶼

龍牙門

東西竺

勿斯里

細蘭

大秦

大食

蘇吉丹

沙華公

木蘭皮

沒加獵

新羅

層拔

三嶼

麻逸

打網

以上共記七十三國

以上諸國皆圖說所未錄者圖說有倭矣

而其入寇風汛未詳今方有事於倭故詳載之若潘山竹步混淪九州交欄靈山假馬里丁淡洋龍涎翠藍三嶼龍牙門東西竺沙華公屬拔麻逸打網等處則海中孤島自為生聚有土酋地主而皆服屬於諸國如中國市鎮之類然使舟商船之所必經或以避風或以取水或以交易棲泊踰時故並著之其所服屬之國有昔暹羅而今為滿刺加者不能常主是以削焉

倭汎

胡松海圖說

始倭之通中國也實自遼東今乃從南道浮海率自温州寧波以入風東北汎自彼來此約可四五日程蓋其去遼甚遠而去閩浙甚遙若盡其國界則東西長行可四五月南北短行三月而皆極於海其西北至高麗也必由對馬島開洋順風僅一日二日南至琉球也必由薩摩州開洋順風七日其貢使之來必由博多開洋歷五島而入中國以造舟水

手俱在博多故也貢舶回則徑收長門抽分

司官在焉故也若其入寇則隨風所之東北

風猛則由薩摩或五島至大小琉球而仍視

風之變遷北多則犯廣東東多則犯福建

島分船或之泉州等處或之梅花所長樂縣等處若正東風猛則必

由五島歷天堂官渡水而視之變遷東北多

則至烏沙門分舩或過韭山海關門而犯溫

州或由舟山之南而犯定海經大塘蛟門入犯

象山奉化由湖頭渡入昌國入石犯台州入

諸海門松

正東風多則至李西魯壁下陳錢

分舩或由洋山之南而犯臨觀

過漁陽山兩

入煙浦則犯紹興之臨山三山過霍山洋犯

錢塘過大小衢徐山入鰲

或由洋山之北而

犯青村南匯

過馬跡潭

或過

南沙而入大江

過茶山入瞭月嘴

若在

大洋而風歛東南也則犯淮揚登萊

過步州

入鹽城口則淮安入廟灣港則

若在五島開

洋而南風方猛則趨遼陽趨天津大抵倭舶

之來恒在清明之後前乎此風候不常難準
定清明後方多東北風且積久不變過五月
風自南來不利於行矣重陽後風亦有東北
者過十月風自西北來亦非所利故防海者
以三四月為大汛九十月為小汛其停橈
之處焚刼之權雖曰在倭而其帆檣所向一
視乎風實有天意有備者率勝前此入寇者
多薩摩肥後長門三洲之人其次則大隅竺
前竺後博多日向攝摩津州紀伊種子島而豐

前豐後和泉之人亦間有之則因商於薩摩而附行者蓋日本之民有貧有富有淑有慝富而淑者或附貢舶或因商舶而來其在寇舶率皆貧而惡且山城君號令久不行於諸島而山口豐後出雲又各專一軍如中國總督府之儀相吞噬今惟豐後強頗併肥前等六島而有之山口出雲俱以貪滅亡倭蓋無常尊定主

矣

山城君倭王別號也

右圖說乃嘉靖時事也其時倭主不能制其下諸島之雄互相吞噬貧無賴者為中國奸

此堂合後
元第
修
治

人所誘爭出為寇浙直閩廣俱被其害王直
雖就擒而倭奴蟠據閩中如故破城畧邑橫
行無忌金帛子女滿載以歸更往迭來視中
國為外府諸將擁兵無敢睨者叅將戚繼光
自浙提兵入閩始與血戰前後誅倭以數萬
計凡深入者悉殲焉然後大創不敢復犯中
國海上清晏且三十年其功比於永樂間劉
江而鹵獲過之萬曆中倭主為關白所篡兼
併諸島虎視海上庚寅辛卯歲大治舟艦狡
焉為啓疆之計壬辰侵朝鮮朝鮮不支遂據
有其國遼東戒嚴
朝議出兵討之

8

古哩

圖說所稱西洋乃古哩國也為西洋諸國市
賈之會因槩目為西洋其國王老不傳子而

傳外孫否則傳弟若無外孫與弟則傳善行人猶有官天下之風法無刑杖以石灰畫地為禁令而人不犯則象刑之化也是以俗淳民厚行讓路而道不拾遺云吾學編所載又有瑣里及西洋瑣里二國俱洪武永樂中貢

○ 榜葛刺

榜葛刺國最大西天有五印度榜葛刺其一也自蘇門答刺過翠藍島至瀾地港更小舟行五百里至鎖納兒港登陸行三十五里至

其國地廣人稠財物豐衍甲於諸國城郭嚴
整街市舖店連楹接棟百貨畢聚王居高廣
殿宇深邃柱皆黃銅包飾雕琢花獸左右長
廊內設明甲馬隊千餘外列巨漢威儀甚壯
丹墀設孔雀翎傘蓋百數象隊百數王及諸
官皆回回人男祝髮白布纏頭圓領長衣束
綵悅躡金線羊皮屨婦女短衫圍色布絲錦
不施脂粉自然嬌白耳垂寶鈿項掛纓絡堆
髻腦後金鐲戒指濟濟可觀賦十二刑笞杖

優人持虎為戲

徒流官有印章行移軍有糧陰陽醫卜百工
技藝人類中國有衣黑白花衫紫悅佩珊瑚
琥珀纓絡繫臂硝子鐳釧歌舞侑酒者曰根
肖速魯柰柰蓋優人也能作百戲以鐵索繫
虎行市中入人家解索坐虎于庭裸而搏虎
虎怒交撲仆虎數回乃已或手投入虎喉虎
亦不傷戲已仍繫之家人爭以肉啖虎勞戲
者錢曆有十二月無閏氣候常煖如夏風俗
朴厚人好耕殖一年二熟不用耘耔亦無豐

棉葛刺土產
 錫鉄 翠羽
 蛇蝎蛇 馬
 波羅果 茶
 係綿 曉羅
 白樹皮
 莫...

歉有一種曰印度不食牛肉飲食男女不同
 處夫死不再嫁妻死不再娶若孤寡無倚一
 村輪流養之不容別村求食其義氣足稱也
 產鑛鐵翠羽蝟螭蛇馬果有波羅密大如斗
 落摩羅俱佳甚桑漆絲綿尤多鎗剪最巧利
 布數種有闊四五尺者薦黑薦勒闊四尺背
 面皆毳絨厚可五分即兜羅錦也白樹皮布
 賦滑光潤如鹿皮柳菱為酒櫛柳當茶永樂
 六年朝貢命行人往太倉燕勞之十二年奉

金葉表獻麒麟十三年詔勅齋賜王妃頭目
王拜迎甚恭宴我官兵禁不飲酒以蕃徽露
和香蜜水飲之與天竺同

○蘇祿

蘇祿在東南海中人鮮粒食食魚鰕螺蛤短
髮纏皂縵煮海為鹽釀蔗為酒織竹布為蓐
氣候常熱永樂十五年其國東王荅刺西王
蘇哩崗王刺卜各率其妻子頭目來朝貢珍
珠玳瑁諸物賜王冠服器皿王妃子女姻戚

柯枝土產
珍珠

頭目各有差。三王者東王為尊。西崗二王副之。歸次德州。卒。命有司營葬。為文樹碑墓道。留其妃妾及僮從十人守墓。令畢三年還國。遣使封其長子為東王。十九年遣使來貢。以柯枝。

柯枝一名阿枝。東連大山。西南北皆海。與錫蘭山對峙。通古哩界。氣候常熱。田瘠。少收。風俗頗淳。市用金銀錢。銀錢十五當金錢一。產珠。蘇木。國人五種。曰南毘。與王同類。祝髮線。

懸脰為貴族次回回人次富有財者曰哲地
次牙僧曰革全又次卑賤者曰木瓜木瓜濱
海而居業漁樵男女裸體結草樹葉蔽前後
途遇南毘哲地即蹲伏候過乃起蓋避羞也
王尚浮屠敬象牛建寺範金為佛每旦鳴鐘
鼓汲泉灌佛頂數回已乃禮之有曰濁肌疥
蓋優婆夷也娶妻不剃胎髮縷縷垂後牛糞
灰塗體行吹大螺妻隨之乞錢永樂二年朝
貢請封其國大山詔封為鎮國山賜碑文

祖法兒上卷
宿頂 胎兒
福鹿 片腦

祖法兒

祖法兒亦名佐法兒東南皆海自古哩順風
十晝夜可至砌羅般石為屋有高三層若塔
狀厨廁寢食皆在其上田廣少收山地黃赤
不生草木捕魚晒乾大者人食小者以餵馬
牛駝羊男子拳髮體幹脩碩語言朴實女人
出則以布兜頭紗蔽面不令人見風俗頗淳
王衣青花絲袍或金錦袍靴屨乘轎前後列
象駝馬鼓吹氣候常如秋市用金銅錢錢文

賓童龍土產
物南志

人形產鶴頂駝雞福鹿片腦乳香乳香即樹
脂駝雞如鶴長三四尺脚節指毛如駝行亦
如之永樂宣德中朝貢

賓童龍

賓童龍與占城連接有雙澗澄清佛書所云
舍衛乞食即其地也目蓮居址尚存風土氣
候與占城大同小異惟親喪能持孝服設佛
度死者擇僻地葬之主出入或馬或象一如
占城從百餘人前後讚唱曰亞曰僕產伽南

重迦羅土產
 羚羊 木綿 鴉鵂
 椰子

貨用金銀花布之屬民編茅覆屋以居

○重迦羅

音註

重迦羅與爪哇相接高山奇秀一石洞前後
 三門可容一二萬人田穀與爪哇畧同氣候
 常暑風俗頗淳男女撮髻披單布長衫無首
 長以年高有行者主之煮海釀林產羚羊鸚
 鵡木綿椰子綿紗貨用銀絹

×吉里地悶

吉里地悶在重加羅之東連山茂林皆檀香

青
村
六
流
主
產

阿
魯
上
產
米
糖
片
腦

樹無別產商聚一十二所田肥穀盛朝熱暮
寒男女斷鬚穿短衫夜卧不盖其體商舶到
皆婦女登船交易人染疾病十死七八盖地
常溫及淫汚之故

阿魯一名啞魯

阿魯與九州山相望自滿刺加順風三晝夜
可至風俗氣候與蘇門答刺大同小異土廣
人稀田瘠少收種芭蕉椰子為食男女裸體
腰圍稍布捕魚採香為生產鶴頂片米糖腦

麻逸凍土序
木綿
玳瑁
花布
檳榔

以售商舶永樂中朝貢令內臣至其國

賜王
文綺

麻逸凍

麻逸凍在交欄山之西南海中山峻地平夾
溪而居田膏腴倍收他國俗尚節義喪夫則
削髮髻面絕食七日與死夫同寢多並逝者
七日不死則親戚交勸飲食即得甦終身不
嫁矣焚夫日有赴火死者煮海釀蔗產木綿
玳瑁蠟花布檳榔

龍牙加貌

身如龍土產
沉沙糖
蜜
蟻

龍牙加貌離麻逸凍順風三晝夜程內平外
峰蟻附而居氣候常熱田禾頗熟男女椎結
圍布穿短衫俗尚敦厚以親戚尊長為重一
日不見則携酒肴問安煮海釀秫產沉速鶴
頂蠟蜜沙糖

忽魯謨斯

忽魯謨斯在西南海中自古哩十晝夜可至
土厚宜耕種麥廣穀少無草木牛羊駝馬皆
食魚乾或言深山中亦有草木近水山五色

忽魯漢斯山石五
色雜為經緯珠玉
飲食就用不加鹽
土產
真珠 寶石
駝馬 羚羊
馬 獸

皆是鹽錠為盤碗碟器飲食就用不復加鹽
人民富饒狀貌偉碩風俗質直喜佛事常歌
舞惡殺男拳髮女子編髮四垂黃漆其頂出
則布幔纏頭面用青紅紗蔽之兩耳輪周掛
絡索金錢以青石磨水妝點眼眶唇臉花紋
以為美飾頂掛珠石珊瑚紐為纓絡臂腕腿
足皆金銀鐲產真珠寶石撒哈刺梭股絨毯
獅子駝雞靈羊馬哈獸永樂中朝貢

忽魯母恩

阿丹土產
駝羊 千里駝
羊 金錢豹
野鴉

忽魯母恩在東南海中、國小土瘠物產薄永
樂三年朝貢

○阿丹

阿丹近古哩傍海而居草木不生田肥種植
粟麥豐盛羅般石屋男女拳髮婦人粧飾出
蔽頭面與祖法兒忽魯謨斯諸國同國中富
饒有馬步勝兵七八千鄰國畏之產羚羊號
九尾羊千里駝花驢駝雞金錢豹永樂九年
鄭和奉命賜物因來朝貢

南泥里土產
珊瑚極精

南泥里

南泥里隸淳泥自蘇門答刺舟行三晝夜可
至東距黎伐西北距海南連大山山南際海
僅千餘家皆回回人俗朴實王居類樓高廣
嚴整幽潔市用銅錢少穀食食魚蝦西北大
海即西洋中有帽山平頂土人稱為那沒黎
番舶皆以此山為指南山下淺水有珊瑚樹
大者高二三尺分枝婆娑可愛依山居人二
三十家皆稱王問其為誰輒曰阿狄檣華言

干西有渴石迭里迷諸城皆隸焉洪武二十年二十二年二十四年二十七年皆遣人朝貢表文有照世杯等語永樂五年正統十二年成化十九年弘治三年嘉靖中皆遣人朝貢產金銀玉銅鐵珊瑚琥珀琉璃鬚苾思檀水晶鹽花藥布名馬獨峯駝大尾羊俊猊

黎伐

黎伐小國南連大山北際海西距南泥里東南連那孤兒居民一二千家推一人為首領

方產
珊瑚琥珀
金玉
駝

隸蘇門答刺言語服用與蘇門答刺同

山多野犀

天方

天方古筠冲地舊名天堂風景融和四時皆

如春田沃稻饒居民樂業男子削髮女子辮

髮馬乳拌飯風俗好善無科擾亦無刑罰不

作盜賊上下安和見月初生君民皆拜天號

呼稱揚以為禮中國使至則加額頂天產馬

金琥珀玉石珊瑚犀角駝

婆羅

婆羅負山面海人多奉佛素食惡殺喜施永
樂四年朝貢珠玳瑪瑙車渠賜王及妃文綺

古里班卒

古里班卒在海中土瘠穀少登物產甚薄氣
候不齊夏多雨雨即寒俗質樸男女披短髮
假錦纏頭紅油布繫身永樂三年朝貢

合猫里

合猫里地小土瘠國中多山山外大海海饒
魚虫亦知耕稼產蘇烏胡椒永樂三年朝貢

合猫里土產
胡椒
蘇木
烏木

8 磔里

磔里國在東南海中。大洲上。洲有諸港。通海人。淳少訟。尚佛。物產甚薄。永樂三年朝貢。

打回

打回海外小國。數為鄰國所苦。已乃治兵器。與鄰國戰。勝。稍得自立。永樂三年朝貢。

日羅夏治

日羅夏治海中。小國。然他奇產。產蘇木。胡椒。頗知種藝。無盜賊。崇佛教。永樂三年朝貢。

日羅夏治王命
教示胡椒

其巴里

其巴里在南海中人多織錦粒食亦鮮食永
樂十二年朝貢

古麻刺

古麻刺在東南海中永樂時王哇來頓本率
其臣來朝至福州卒賜諡康靖勅葬閩縣有
司歲時祭

沼納撲兒

沼納撲兒在印度之中古佛國也永樂中遣

使詔諭因來朝貢

白葛達

白葛達海中小國土瘠俗尚佛教宣德朝七貢

○黑葛達

黑葛達國小民貧平川廣野草木暢茂禽獸

鮮少俗尚佛畏刑市肆多牛羊交易用鐵錢

宣德中朝貢

敏真誠

敏真誠大國多高山水深縛木為渡日中為

此真誠土貢
民大蛇馬

八
達
之
商
所
用
之
錢
亦
名
之
曰
八
達
錢

市諸賈皆集見中國磁漆器爭欲得之產異
香駝馬永樂中朝貢

八荅黑商

八荅黑商國山川明秀人俗樸實有浮屠數
區壯麗如王宮西洋西域皆商販於此大抵
皆羽毛織文絨罽玉石香木駝羊也布帛銀
錢皆可交易永樂中朝貢

討來思

討來思在海中周徑不百里城近山山下有

水赤色望之如火然俗尚佛婦人主家事市
多駝羊馬牛亦有布縷毛褐交易用錢土宜
麥稌無稻穀宣德六年朝貢

吃力麻兒

吃力麻兒國俗不事耕農喜射獵山卑水淺
西南傍海東北林莽深密多猛獸毒虫得中
國雄黃麝香磁器甚喜有達巷無市肆交易
無期用錢鐵求樂中朝貢惟獸皮鳥羽麝褐
之類而已

失刺思

失刺思求樂間朝貢時遣內外官以綺幣磁
器市馬於迤西失刺思諸國獻陵即位詔
諸使就所在還京無得托故稽留宣德中復

納失者罕

納失者罕東去失刺思數日程皆舟行海中
國有林木魚虫城東平原饒水草可牧馬馬
有數種最小者高不過三尺俗敬僧所至必
飲食之饌尚氣健聞噍不勝者求樂中朝貢

失者罕

馬

失者罕

表英侯切音表
也廣表南北曰表
東西曰廣

亦思把罕

駝馬驢狗
表

〇〇亦思把罕

亦思把罕於西南海中為大國廣袤近千里
四面皆海西北多山東南皆平沙國有城堅
壯王居亦侈麗物產豐厚風俗樸厚尚佛畏
刑喜施惡奪亦有中國人時出賈撒馬兒罕
市多馬駝少布帛有珠珀而無稻黍日食惟
麥糝麥粒麤壯其美永樂中朝貢

淡巴

淡巴在西南海中風景秀贍土地廣衍泉甘

而水清草木暢茂畜產甚夥城以石築屋以瓦覆王乘輿官跨馬頗有威儀國俗勤生種藝織縷抱布男女咸務常業市有交易野無寇盜稱樂土矣洪武十年朝貢賜金幣

八 井把里

井把里永樂間朝貢自言國小介在西南海中與諸隣國不通交易物產又薄山無長林田無宿麥國用常乏人民艱窘然奉佛好善不求積聚無乞丐者

○白松虎兒

白松虎兒舊名速麻里兒國中無大山山卑小者亦鮮林木無猛獸毒虫之害嘗有白虎出松林中遇獸不食遇人不傷旬月後竟不見國人稱為神虎父老曰此西方白虎降精以是更其國為白松虎兒求樂中朝貢

荅兒密

荅兒密國在海中不下里人不滿千家有墻壘而無城郭屋以板覆田以牛耕王居官舍

不甚差別產馬駝羊牛毛褐布縷交易兼用
銀錢刑專用箠朴服屬撒馬兒罕永樂中朝
貢賜大統曆文綺藥茶

阿速

阿速在西海中為大國多撒馬兒罕天方諸
國人有城倚山面川川南流入海海有魚鹽
之市野有耕牧之利敬佛畏鬼好布施惡爭
鬪物產饒裕涼暄適節人無饑寒夜無寇盜
永樂中朝貢

○沙哈魯

沙哈魯國在阿速西南海島中。人民淳直。耻
鬪。好佛。交易海中諸國。西域賈胡來市海中
奇物。不惜高價。亦有價廉而得奇貨去者。沙
哈魯人不識也。王及酋長居城中。有瓦屋。庶
人旅處城外田野中。村落相聚。山川環抱。畜
產豐利。永樂中朝貢。

○溜山

溜山四面濱海如洲。在西海中有石門如城。

西山房
龍涎香
鯨魚

海山
任悅

闕土瘠無城郭依山聚居八村稍大皆以溜
名可通舟楫餘小溜無慮三千土人曰此弱
水三千也人巢居穴處不識菽粟啖魚蝦無
衣草木葉蔽前後舟行遇風失入溜即溺溜
山傍有牒幹國皆回回人俗淳厚業漁好種
椰樹氣候常熱如夏市用銀錢產龍涎香海
貳椰皮結繩可貫板成舟塗瀝青堅如鐵釘
鮫魚一名溜魚織絲帨甚精緻亦有織金帨
永樂中朝貢

大葛蘭志
胡椒 椰子 檳榔
湖魚

大葛蘭

大葛蘭與都欄樵相近厥土黑墳本宜穀麥
居民懶事耕作歲賴烏米為食商船為風所
阻不以時到波濤激灘載貨不敢滿蓋以不
可停泊之故也若過巫里洋則罹重險之難
及有高頭埠沉水羅股石之危風俗淳厚男
女纏頭穿單布長衫圍色布手巾產胡椒柳
子溜魚檳榔貨用金銀青白花磁器布段之

小葛蘭

小葛蘭山連赤土與柯枝國接境西洋諸國
之市頭也國使大金錢名儻伽重八分小金
錢名吧喃四十個准大金錢一個田瘠少收
歲藉榜葛刺國米為食氣候常熱風俗小淳
男女多回回喃毗人產胡椒檳榔波羅蜜色
布其木香乳香真珠珊瑚酥油孩兒茶梔子
花則皆自他國來

○卜刺哇

卜刺哇與木骨都束國接連山地傍海而居

卜刺哇土產
馬哈獸 花福鹿
新鹿 犀牛 駝
海象 龍涎 象牙

壘石為城砌石為屋地廣斥鹵有鹽池但投
樹枝於池良久撈起結成白鹽風俗頗淳無
田耕種捕魚為業男女拳髮穿短衫圍梢布
婦女兩耳帶金錢項掛纓絡惟有葱蒜無瓜
茄產馬哈獸狀如麝樟花福鹿狀如花驢豹
鹿犀牛沒藥乳香龍涎象牙駱駝貨用金銀
段絹米豆磁器之屬嘗貢方物

木骨都束

木骨都束國瀕海堆石為城石屋四五層厨

廁待客俱在其上。男子拳髮四垂腰圍梢布。女人髮盤於腦黃漆其頂兩耳掛絡索數枚。項帶銀圈纓絡垂胸出則單布兜遮青紗蔽面足履皮鞋地曠土石黃赤田瘠少收數年無雨穿井甚深絞車以羊皮袋水風俗囂頑操兵習射其富民附舶遠通商貨貧民網捕海魚曬乾為食及餵養駝馬牛羊產乳香金錢豹龍涎貨用金銀段絹檀香米穀之屬嘗貢方物。

竹步

竹步與木骨都束國山地連接村居寥落風俗亦淳男女拳髮男女出入粧飾山地黃赤不雨絞車深井網魚為業俱與木骨都束同產獅子金錢豹駝蹄雞有六七尺高者龍涎乳香金珀嘗貢方物

刺撒

刺撒國傍海而居壘石為城連山曠地草木不生牛羊駝馬皆以海魚乾啖之氣候常熱

險哉混淪山

忽魯謨斯國同壘石為室三四層其上厨廁
卧室待客其下奴僕居之地產龍涎乳香千
里駱駝民俗淳厚喪葬有禮有事禱於鬼神
嘗奉金葉表文貢方物

混淪山

混淪山節然瀛海之中與占城及東西竺鼎
峙相望山高而方山盤廣遠海人名曰崑崙

灵山產
里文相對縣林

洋凡往西洋販舶必待順風七晝夜可過俗
云上怕七洲下怕崑崙針迷舵失人船莫存
此山產無異物人無居龜食山果魚蝦穴居
樹巢而已

此即嶺海異聞所載崑崙山然云
七嶼七門則翠藍嶼也姑並存之

靈山

靈山與占城山地連接其山峻嶺而方有泉
下繞如帶山頂有一石塊似佛頭故名靈山
民居星散結網為業曰肥耕種一歲二收氣
候之節男女之禮與占城大同小異地產黑

文相對藤杖每條易斗錫一塊若麤大而紋
疎者一錫易三條次有檳榔萎葉餘無異物
往來販舶必於此樵汲舶人齋沐三日崇佛
誦經燃放水燈綵船以禳人船之災

交欄山

占城靈山起程順風十晝夜可至其山高而
叢林藤竹舢舨棹檣蓬箬無所不備胡元時
命將高興史弼領兵萬衆駕巨舶征闍婆因
遭風至交欄山下其船多損乃登此山造船

百號復征閩婆擒其酋長而歸至今居民有
中國人雜處蓋此時病卒百餘留養不歸遂
傳育於此氣候常暑少米穀以射獵為業男
女椎髻穿短衫繫巫崙布產豹熊鹿皮玳瑁
、假馬里丁

假馬里丁與交欄山相望海中山列翠屏引
溪水溉田禾穀少收氣候常熱俗置薄男子
髡髮穿竹布短衫圍棉布種芭蕉採其實以
代糧煮海釀蔗產玳瑁羚羊貨用瓜哇布燒

珠印花布米穀之屬

九州山

九州山與滿刺加近產沉香黃熟香林木叢
生枝葉茂翠永樂七年鄭和差兵入山採香
得徑有八九尺長六七丈者六株香味清遠
黑花細紋山人張目吐舌言天朝兵威若神
○淡洋

淡洋與阿魯山地連接去滿刺加三日程山
遶周圍有港內通大溪汪洋千里奔流出海

清淡味甘舟人過往汲之故名淡洋田肥禾
盛米粒失小炊飯甚香民俗頗淳氣候常熱
男女椎髻腰圍梢布

龍涎嶼

龍涎嶼離蘇門答刺西去一晝夜程以產龍
涎香得名詳見嶺海異聞龍涎香條下然嘉
靖中竭中國之力求取萬方竟不可致豈羣
龍遊戲吐涎亦偶然近之不可以為常歟

翠藍嶼

翠藍嶼在龍涎之西北五晝夜程大小七門
門中皆可過船相傳羅迦佛浴此山袈裟被
竊佛誓云後有穿衣者必爛其皮肉由此男
女皆削髮無衣止用樹葉紉結而遮前後米
穀亦無惟下海網魚蝦及種芭蕉椰子為食
然船去來嘗泊山下宣德壬子十月二十二
日因風不便泊此山三日夜山中之人駕獨
木舟來貿椰實舟中男婦果如前言

×龍牙門

龍牙門在三佛齊西北山門相對若龍牙狀
中通船過田瘠穀薄常暑多雨男女椎結短
衫剽掠為豪遇番舶則集小舟百數邀截順
風徑脫否則被刼殺矣

東西竺

東西竺與龍牙門相望田瘠不宜稼歲藉諸
番淡洋米穀為食男女斷髮繫梢布產檳榔
木綿布蕉心簾

勿斯里

勿斯里國有一十六州管三百六十村每村
供國用一日其王白竹纏頭着衫出入乘馬
前有看馬三百匹皆金鞍寶轡虎十頭縻以
鐵索伏虎者百人弄鐵索者五十人持樞棒
者百人臂鷹者三十人又有千騎圍護親奴
二百各帶甲持劍鳴鼓者百人儀從甚都有
大塔高二百丈他國兵侵則舉國據塔以拒
敵上下可容二萬人內居守而外出戰

細蘭

細蘭國在大海中王黑身逆毛不衣露頂止
纏五色番布出入乘象或用軟兜商船將至
其國先見電光閃爍蓋其屋宇悉用猫睛及
雜寶裝飾東西二殿各植兩樹枝柯花葉皆
以金玉雜寶為之其下寘金椅以琉璃為壁
坐處常有光華蓋日影照射相映如霞彩然
歲貢物于三佛齊國

○大秦

大秦國一名犁軒在西海之西有弱水流沙

幾於日入之處地方數千里有四百餘城小國屬役者數十其王以織金纏頭屋宇以水晶為柱琉璃為瓦其人長大美皙有官曹簿領皆髡頭而衣文繡王少出出則乘馬馬皆飾以金玉珠寶或有災異及風雨不時輒廢其主而更立賢者廢者無怨有幻人峭鼻拳髮長四尺餘能額上為炎燼手中作江湖舉足而珠玉自墮開口而旛旄亂出海中有鬼市以直置諸物旁待領直然後收物有珊瑚

洲土人以鐵網取之

大食國

大食國本波斯之別種地方千里勝兵四十餘萬民俗侈麗其王頭纏織金番布朔望則戴純金寶冠所居以瑪瑙為柱緣粉為壁水晶為瓦臺榻飾以珠寶堦砌包以純金王視朝坐珍珠簾內將相披金甲戴兜鍪擁衛左右餘官各領兵馬馬高七尺士卒驍勇武藝絕倫街濶數丈鋪以光細石板民居畧同中

國但瓦則以薄石為之市肆諠譁百貨皆集
有駿馬云與龍交而產者日行千里有駝馬
可騎瓜大者數人食一枚其王嘗令人入海
經涉八年未及西岸於海中石上見大樹枝
上皆生小兒見人笑而不語連枝摘取即乾
黑王寶藏之樹兒見嶺海續聞此即西遊記所謂
人參果也

蘇吉丹

蘇吉丹乃闍婆之支國於泉州為丙巳方東
至海水勢漸低女人國在焉逾東則尾間之

所泄非人世矣其王以五色布纏頭跣足出
則蔽以涼傘從者五百餘人各持鎗劔頭戴
帽子其狀不一如虎頭鹿頭象頭牛頭者男
剪髮女打髻皆裸體跣足以布裹腰波羅蜜
果香美其蔗長一丈

×××沙華公

沙華公國在大海中其人肆行劫掠商舶或
漂至其國則擒燒食之又有一種曰毗舍耶
者與泉州晉江縣相近其人語言不通裸袒

財唯殆畜類也。或時至晉江劫掠其來不測。多罹生噉之患。喜鐵器及匙箸人閉戶則免。但刈其門圈而去擲以匙箸則俯拾可緩數步。

木蘭皮

木蘭皮國在西海中自大食國發舟正西涉海百餘日方至。一舟容萬人舟中有酒食肆機杼之屬。言舟之大者莫如木蘭皮產物亦異。麥粒長三寸。瓜圍六尺。榴重五斤。桃重二

斤香櫟重二十餘斤胡羊高數尺尾大如扇
春剖腹取脂縫合仍活秋風忽起人獸速就
水飲稍遲則渴死

沒加獵

沒加獵國有五百餘州各有城市有兵百萬
王纏頭着毛衫每日誦經拜天出入乘馬以
駱馳背佛經一函前導人食餅肉有麥無米
海中產珊瑚下鐵網取之

新羅即樂浪

新羅國本并韓遺種與泉州海門對峙服舍
器用官屬畧倣中國法峻少犯婚娶不用幣
知書喜學有庠序曰局堂處子弟之未婚者
講習其中三歲一試有進士筭學諸科本
朝以時朝貢

層拔

層拔國在古麻刺之南大海中西接大山其
人皆大食種落纏青布躡皮鞋地多巖谷煖
而少寒產象牙生金

三嶼

三嶼國散居南海中每一聚落約千餘家地多崇岡疊嶂憑高依險編茅為屋其人形短而小眼圓面黃虬髮露巢于木顛或三五為群跼伏草莽以暗翦射人投以甕碗則俯拾跳呼而去

麻逸

海國有麻逸凍矣又有麻逸國在渤泥之北團聚千餘家土人披布如被單或腰布蔽體

番船到其闕闐前酋長爲舟蠻賈叢至悉搬取物貨而去初若不研曉然一無遺失

打網

打網國在海島中有地主土人壯健亮惡色黑而紅裸體文身剪髮跣足飲食無器皿盛以樹葉食已則棄之不識書記植木爲棚以居不事生業往往出海劫掠而已

以土東西南夷皆海國也若撒馬兒罕天方則西夷而撒馬兒罕貢由嘉峪關入弘治間欲由南海貢獅開海道朝廷不許以其濱海與西洋通舟楫也故併錄之

海上諸夷惟倭為大地分五畿七道三島又
有附庸百餘國故能為中國患然晉時五胡
姚襄最寡弱乃渡海掠取倭奴以張其衆亦
只以克軍中使令炊爨之役不以預戰開也
唐時自惡其名更名曰日本元發兵征襲雖未
克而惕息自保不暇直至我朝始窺中土
洪武二年寇山東又寇淮安三年寇山東轉
掠浙江福建旁海諸郡是年遣萊州府同知
趙秩裔書往諭責之彼以為元使趙良弼
後也幾為所殺秩未還又掠温州五年寇海
鹽又寇福建六年寇登萊七年寇膠州九年
遣僧歸廷用奉表貢謝以其不誠詔責之十
年遣僧如瑤貢馬令禮部移書責其寇掠諸
僧安置川陝十四年乞還諸僧使十五年歸
廷用又來貢上以為詐通奸臣謀為不軌
絕之十六年寇浙江平陽十七年如瑤又來
生通奸臣發雲南遣湯和沿海築城五十九
年氏為兵二十年置浙東西防倭衛所是年

周德興築福建海上十六城設衛所亦調
兵為兵戍之二十六年寇金鄉二
三都督防倭又勅魏國公及安陸侯練兵海
上防倭二十八復寇金鄉蓋高皇之世
無一日不備倭也永樂九年寇磐石十五年入
寇松門金鄉平陽十六年入金蓋十七年入
望海壩為遼東劉都督所殲一人不返自是
不敢窺遼東二十年寇象山宣德元年遣人
入貢不奉約束却之七年八年十年皆來貢
倭自得我勘合方物戎器滿載而來遇官兵
即矯云入貢我無備即肆出殺掠瀕載而歸
宣德末年海防益密倭不得間稍受約束遂
許至京宴賞市易飽恣其欲既而備稍疎正
統四年寇大嵩入奔渚官民舍焚蕩一空驅
少壯掘冢墓求嬰孩竿柱上沃以沸湯視其
啼號拍手笑樂捕得孕婦忖度男女刻視中
否為勝負荒淫穢惡至不可言於是下詔備
倭命重帥守要地分屯海上數年稍靜十一

年寇海寧成化初忽至寧波知我有備矯稱
進貢守臣為之請幾墮其計弘治中內治修
整海上寧戢數十年嘉靖元年貢至寧波遂
有宋素卿之變夷日生心備日就弛自二十
年以後海上之禍有不忍言者矣其畧見吾
學編破陷郡邑輒焚其城各取童孩投火中
為爆以相勝視飛渚尤慘當是時畏倭如虎
莫敢與抗散入村鎮驅掠少壯常以二三賊
牽係數十人如逐牛羊任其東西無違忤者
其實賊之技不能加於中國也久之被虜者
與處漸習知其然稍與之角於是散行逐利
者輒為我所擒其鋒頓戢後復為大兵所殲
海上始寧近乃北向大得志於高麗亦以高
麗素未嘗倭驟為所乘如嘉靖中入吳越然
耳大抵有備則無患元氣靡斯百邪乘之不
獨倭為可慮也近方談倭因附其畧於此

諸夷考二卷目

苗人

羅羅

仡佬

長沙郡
辰溪縣
諸夷志

佯獍黃

仲家寵

宋家蔡家

厖家

龍家

冉家

棘人圖

崗人

徭人桃

獐人同

獠人聊按西面夷名
獠音老

黎人

蜚人壇上声

馬人

徭獠黎蜚四種與馬人已見前續聞篇畧而不詳故重著而補述之焉人下言二下也

考之廣志所載若長人、僦人之類尚多詢
之土人皆無有聞覩者豈上世種類尤繁
以漸而漸滅歟旣非耳目所及徒滋怪談
故不采入

×苗人

沅水出蜀郡，由群柯東北過臨沅縣，至長沙入洞庭湖，今以名州即沅州。

苗人古三苗之裔也。自長沙沅辰以南盡夜

郎之境，往往有之。與氏夷混雜，通曰南蠻。其

種甚夥，散處山間，聚而成村者曰寨。其人有

名無姓，有族屬無君長。近省界者為熟苗，輸

租服役稍同良家。十年則官司籍其戶口，息

耗登于天府，不與是籍者謂之生苗。生苗多

而熟苗寡，其俗各以其黨自相沿襲，大抵慳

吝，猜狠絕禮讓而昧藝倫，惟利所在不顧廉

多疑也

慳吝也

此作目相一也

斷不自安貌

點音曉 點從履不者
引或之行言十連通

衿未領禮帶亦結
也言苗葉之衣無
煩為裳但調數以
細首耳

則喜則人怒則獸睚眦之隙遂至殺人被殺

之家舉族為讎必報當而後已否則親戚亦

斷斷助之即抗到不悔諺云苗家讎九世休

言其不可遽解也其人雖結點躑躅穴躑

荆棘捷如麀麀班衣左衽或無衿禮竅以納

首別作兩袂急則去之挿雞尾于顛負鞬抱

弩過便輒鹵掠狝突箐中不可疏捕未娶者

以銀環飾耳號曰馬郎婚則脫之婦人雜海

肥銅鈴藥珠結纓絡為飾處子行歌于野以

誘馬郎清淫不禁仲春刻木為馬祭以牛酒
老人並馬箕踞未婚男女吹簫笙以和歌淫
詞譁浪謂之跳月中意者男負女去論妍媸
為聘貲羸縮貧而逋者逋歲索之即髮種種
長子孫不貧也飲食惡草以蕎灰和林粥釀
為臭潘以魚肉雜物投之曰醢蛆蛆蠅叢最以
為珍具矜富羨者則曰蓄醢桶幾世矣歲時
召親戚搥銅鼓鬪牛於埜封其負者祭而食
之大齋若掌以牛角授子孫曰某祖某父食

牛凡幾要約無文書刊寸木判以為信爭訟
不入官府即入亦不得以律例科之推其屬
之公正善言語者號曰行頭以講曲直行頭
以一事為一籌多至百籌者每舉一籌數之
曰某事云云汝負於某其人服則收之又舉
一籌數之曰某事云云汝凌於某其人不服
則置之計所置多寡以報所為講者曰某事
某事其人不膜所為講者曰然則已不然則
又往講如前必兩人咸服乃决若所收籌多

而度其人不能償者則勸所為講者擲一籌
與天一與地一與和事之老然後約其餘者
責負者償之以牛馬為筭凡殺人而報殺過
當者筭亦如之休離其言亦謂言語侏離甚者重譯乃解與
其曹耦善厚者曰同年同年之好踰于親串
與漢人善者亦曰同年稱其酋長曰茫稱人
曰互自稱亦曰互猶晉之言咱吳之言儂也
不知正朔以鼠馬記子午年日亦如之歲首
以冬三月谷尚其一曰開年占卜以鷄骨推

之視其壘以斷凶吉或折茅為兆病不服藥
禱鬼而已不愈則曰鬼所嫉也棄之不顧謂
其巫曰鬼師死喪無服或葬或不葬大抵諸
苗之俗婚姻畧同而喪祭異善為蠱毒蠱無
形而毒有物中之皆能殺人或言蠱有神熠
燿若月以昏暮流人家為祟以其日作蠱浹
辰而出之以中生人則已無生人則主人以
其身服蠱解而哇之否則神將蔓殃于其室
其在金筑者有克孟牯羊二種擇懸厓鑿竅

而居不設茵^第筵^第構竹梯上下高者百仞耕不
輓犂以錢鋪發土糝而不耘男女躡筮而偶
免乳而歸其聘財親死不哭笑舞浩唱謂之
開尸明年聞杜鵑聲則比屋號泣曰鳥猶歲
至親不復矣在獨山為九名九姓苗狙詐而
饗^數詖以元日為把忌^數數門不出二七而解犯
之者以為不祥烏羅着可以三月一日為忌
二十五日而解在平樂為紫姜苗嗜殺尤其
得^誰離人即生啗其肉夫死其妻嫁而後葬曰

喪有主矣在白納為賣翁前其俗賤老而貴
少父老則拽而鬻之在葛彰葛商為短裙苗
以花布一幅橫掩及骹詳前在牂牁之間為八番
子其俗勞女而逸男以虎馬日為市夜卧必
圍爐厝火不施衾枕燕會擊長腰鼓為樂以
十月望日為歲首塋不擇日以夜靜出之云
不忍使其親知也在陳蒙爛土為黑苗又為
天苗緝木葉以為上服女子甫十歲即構竹
樓埜外處之以號淫者人死不葬以藤蔓束

此書三藏書五經
謂其作事可且才力
短弱懶惰而不能
動作故無所補於

之樹間而已此皆苗俗之大畧也蓋諸苗所
居必深山僻谷坐而不見外事故其俗不移
無公家更賦之給故其民情縵土無疆聚族
蟲蟻食物常足故皆跼窳偷生而亡積聚不
通文字絕先王禮義之教故枝柱淫佚與鳥
獸同歸亦可憫也

○羅羅

羅羅本盧鹿而訛為今稱有二種居水西十
二營寧公馬場漕溪者為黑羅羅亦曰烏蠻

居幕役者為白羅羅亦曰白蠻風俗畧同而
黑者為大姓羅俗尚鬼故又曰羅鬼蜀漢時
有火濟者從丞相亮破孟獲有功封羅甸國
王即今宣慰使安氏遠祖也自羅甸東西若
自杞夜郎牂牁則以國名若特磨白衣九道
則以道名皆羅羅之種也羅羅之俗愚而戀
主即虐之赤族猶舉其子姓若妻妾戴之不
以為讎故自火濟至今千有餘年世長其土
勅四十八部部之長曰頭目其人深目長身

膝口上肉

黑面白齒椎結跣躄荷氊戴笠而行腰束箭
索左肩拖羊皮一方佩長刀箭箠富者以金
釧約臂悍而喜鬪脩習攻擊雄上氣力寬則
以漁獵山伐為業急則屠戮相尋故其兵常
為諸酋冠諺云水西羅鬼斷頭掉尾言其相
應若率然也亦有文字類蒙古書者坐無几
席與人食飯一盤水一盃匕一枚抄飯哺許
搏之若丸以匕躍口食已必滌腭刷齒以為
潔作酒盎而不縮以蘆管啐飲之男子則雍

愚者之心愧然
苗妻之志行以余歎
人即身之而不和心
快也

蚺噬子蚺銜子

鬚而留髯婦人束髮纏以青帶烝報旁通醜
不惡也父死收其後母兄弟死則妻其妻新
婦見舅姑不拜裸而進盟謂之奉堂男女居
室不同惟第潛合如奔狼而多疑忌相賊白
羅羅之俗畧同而飲食惡草盛無盃盤爨以
三足釜灼毛醕血無論鼠雀蚺蟪蟪動之物
攫而燔之攢食若彘不通文字結繩刻木為
信女子以善淫名者則人爭取之以為美也
人死以牛馬革裹而焚之居普定者為阿紀

俗同白羅以販茶為業

仡佬

標与緬全音老西南夷也

仡佬一曰仡僚其種有五蓬頭赤脚矯而善奔輕命而死黨觸之則糜沸而起得人片肉卮酒即捐軀與之蹈奔湯火以布一幅橫圍腰間傍無襍積謂之桶裙男女同制花布者為花仡佬紅布者為紅仡佬各有族屬不通婚姻殮死有棺而不葬置之厓穴間高者絕也千尺或臨大河不施蔽蓋以木主若圭羅

極其側號曰家親歿在平伐者為打牙伧佬
慄悍尤甚善斂百物之毒以染箭必當人立
死觸其氣者亦死父母死則子婦各折其二
齒投之棺中云以贈永訣也在新添者為剪
頭伧佬男女蓄髮寸許人死則積薪焚之又
有豬屎伧佬者喜不潔與犬豕同牢身面經
年不盥得獸即咋食如狼狽其俗與伧佬
畧同掘地為爐厝火環卧不施被席以牛衣
藉之死則男女群冢俛尸而瘞之云為死者

避壓也

麻陽民土著者皆槃瓠種與苗同祖一村有石名槃瓠石民共祀焉人有犯者從石詛之輒死有仇徒其先亦同祖尤善弩射目皆堅善坐草從草中射人立斃即苗亦畏之九月某日禁人行是日皆閉戶不出出即有蛇虎之害有病及行兵舉事必倒一牛占之二人握牛首向神一人以刃刺牛腹一刃即倒者吉病必愈事必濟兵必勝不然則止又擇他日占之又能以術呪脫枷鎖住年大征獲苗數十皆以大椎碎其股鐵鎖肘鍊禁囑舍中成毋得入麓器一日守者出令人代之誤以一麓碗入諸苗競取碗敲之口喃喃作呪鎖盡脫且出倉矣守者無計亟火其倉苗乃先死此出朱孟震中丞楮談中丞父為麻陽尹時方征苗蓋計率其事云

狴犴

狴犴上曰楊黃其種亦夥石阡施秉龍里龍泉提溪萬山之界徃徃有之生理苟且荆壁四立而不塗門戶不扃出則以泥封之男子計口而耕婦人度身而織暇則挾刀操笏柳以漁獵為業元宵端午架鞦韆群戲遂以淫奔把忌以三月之朔父母死則焚其衣服殯其牛馬云若贈鬼者然

仲家

仲家椎翬躡屨不通文字好為樓居飲食匙而不筴衣裳青色婦人以青帛蒙髮若冒絮之狀長裙細積多者二十餘幅拖腰以綵布一方若綬仍以青衣襲之在室奔而不禁嫁則絕之喪食尚魚鰕而禁禽獸之肉葬以傘蓋墓期年發而火之祭以枯魚以十二月為歲首俗尚銅鼓中空無底時時擊以為娛土人或掘地得鼓即譄張言諸葛武侯所藏者富家爭購即百牛不恡也

宋家蔡家

宋家蔡家蓋中國之裔也相傳春秋時楚子
往往蠶食宋蔡俘其人民放之南徼遂流為
夷二氏風俗畧同而宋家稍雅通漢語或識
文字動于耕織男子帽而長衫婦人笄而短
襖將嫁男家遣人往迎女家則率親戚簪楚
迎者謂之奪親既歸旦則進盥於姑舅夕則
燂湯請洗三日而罷喪葬飯蔬飲水二十一
日封而識之若馬鬣者蔡家在底寨者與宋

家同俗故世世連婚在養龍坑者無異甬人
男女吹木葉而索偶人死不哭遠尸而歌謂
之唱齋

厖家

厖家蓋徙符駝氏之裔訛為今稱其種有四
在康佐者獨蕃恣睢懷謖難與約束好依深
林薦莽之間狙伺圍奪急則鼠竄貪而善讎
常以盃羹為人犇命責逋負秒忽不能第恐
近溪者善入尾灑獨魚鼈得若鰻獺尾灑者

猶華言水

志易蓋上地

以五色藥珠為飾貧者以意以代之春時立
木于野謂之鬼竿男女仔旋躍而擇對既奔
則女氏之黨以牛馬贖之方通媒妁醜者終
身無所取售人死以杵擊椎塘和歌哭椎塘
者白也昇之幽品秘而無識以七月七日祭
其先塋

龍家

龍家與仲家同俗而衣尚白喪服則易之以

青婦人緇布作冠若馬銙加髻髻以笄束之在
寧谷西堡之間者多張劉趙三姓一曰大頭
龍家男子以牛馬鬃尾雜髮而盤之若蓋以
尖笠覆之一曰狗耳龍家婦人辮髮螺結上
指若狗耳之狀亦曰小頭龍家其俗與康同

冉家

冉家邛徕冉氏之裔今酉陽烏羅部落之長
多冉姓者一曰冉家蠻詬之曰南客子其俗
散處於沿河佑溪發川之間跋扈不諱尚武

而善獵得獸必祭而後啗之地有砂坑深者
十五六里昏黑不辯咫尺土人以皮帽懸燈
而入鑿崖石而採之白石若礬謂之砂床其
良者若芙蓉箭簇簌簌迸落如榴房之解也
碎者末以燒汞為朱謂之新紅民間貿易用
之比錢楮焉坑中徃徃得敗船朽木莫測所
自朱汞有毒氣能殺人採砂汞滿三年者多
死人言飲丹井者壽又言術士能凝汞成銀
鍊砂成金服之可以飛昇此皆幻妄廼今採

者累繫橫死無筭也仙壽之說安所徵哉

○ 𪔐人

音 𪔐人漢為犍為郡唐為干矢部蓋南詔之東
鄙也古者有罪流之西方曰𪔐言使偏寄于
夷也其人善事佛男女手數珠持番呪祈禱
輒驗多有削髮為僧者號曰提奢稍淳而易
治聲音風俗與南詔畧同謂虎曰金波羅

𪔐人

𪔐人一日𪔐蠻散處於牂牁舞溪之界在辰

沅者尤多言語侏儻尚儺而喜殺情于耕作
男子科頭徒跣或跋木履以鏢弩自隨暇則
吹簫笙木葉彈二絃琵琶臂鷹逐犬為樂婦
人短裙長袴後垂刺繡一方若綬曾亦如之
以銀若銅錫為錢編次繞身為飾富羨者以
金環綴耳纍纍若貫珠也溽暑男女群浴于
河冬月以茅花為絮男女仔拋毬相謔偶意
者奔之謂之偷香飲食不食鹽醬人死以尺
帛裹頭為服爭訟不入官府以其長論決之

號曰鄉公

徭人

徭人古八蠻之種也五溪以南窮極嶺海迤連巴蜀皆有之椎結斑衣兒時燒鐵石烙其跟蹠以油蠟沁之重趼若鞞兒始生秤之以鐵如其重漬以毒水及長鍛而為刀終身用之試刀必斬牛仰刀牛項以肩負刀一負而殊者良刀也婦人黥面為花卉蜻蛚蝴蝶之狀蹋歌而偶奔者入品尚補柳辟人嫁則荷

傘懸草履一兩從入夫家示行色也採竹木
為屋綢繆而不斷繩樞筆竇履以菁茅樹畜
粟豆羊牛雜以為餉不足以山伐獵獸而續
之燔爨草具毛血淋漓雖富者亦惟多釀酒
時時沉酗為樂耳不知世有珍羞之和黼黻
之華也山田瘠墉十歲五饑急則隳突漢界
持短鎗控大弩毒矢攻剽墟落踉蹌篲薄中
飄忽往來不可蹤跡拒敵則比耦而前執鎗
者前却不常以衛弩執弩者口銜刀而手射

滑石
面大
小不一

人矢盡便投弩挾刀與鎗俱奮山中多杉板
滑石膽礬茴香草果檳榔諸藥物時時竊出
市博魚鹽又多散地肥而多稼四方亡命若
避徭賦者此焉逋數淆雜夷中為之通行囊
橐鄉導分受鹵獲結黨既夥則公墮城堡劫
官府故廣之東西歲苦兵事諺云比年小征
三年大征然亦厯矣史氏槃瓠之說雖恍惚
難稽然徭人多槃姓者或訛而為盤云徭獐
雖異族而信鬼畏誓大畧相同在唐虞謂之

要服蓋以信義要質而已秦時與板楯蠻盟
曰秦犯夷輸黃龍二雙夷犯秦輸清酒一鍾
夷人安之宋時范成大帥廣西時令諸徭團
長納狀云某等既充山職今當鈐束家丁男
行持棒女行把麻任從出入上有太陽下有
地宿翻背者生兒成驢生女成猪舉家絕滅
不得對好翻非偷寒送煖上山同路下水同
船男兒帶刀一點一齊同殺盜賊不用此款
者並依山例山例者殺戮也自是帥事一年

諸徭無及省界者

獯人

獯人五嶺以南皆有之與徭雜處風俗畧同而生理一切陋簡冬編鵝毛雜木葉為衣搏飯掬水而食居室茅緝而不塗衡板為閣上以棲止下畜牛羊猪犬謂之麻欄善為毒矢射人物中者焦沸若炙肌骨立盡雖徭人亦重畏之不敢忤視又善為蠱毒五月五日聚百蠱于一器令自啖食存者留之持以中人

無不死者、又為飛蠱、一曰桃生、一曰金蠶、皆鬼屬而毒人事之、可以驟富、害人者類于飲食內之、令人心腹絞痛、面目青黃、吐水而脉沉、含黑豆、脹而皮脫、嚼之不腥、易以白礬、其井若錫、治之以歸魂散、雄硃丸在胃、隔則服升麻、吐之在腹、則服鬱金、下之聚而成村者、為尚、推其酋長曰尚官、尚官之家、婚姻以豪汰相、高壻來就親、女家於五里外結草屋、與居、謂之入寮、兩家各以鼓樂迎男女至寮、盛

兵為備小有言則兵刃相接成婚後妻之勝
婢迂意壻即手殺之自入察能多殺媵婢則
妻黨畏之否則謂之懦半年而後歸夫家人
遠出而歸者止于三十里外家遣巫提竹籃
迂脫歸人帖身衣貯之籃以前導還家言為
行人收魂歸也親始死被髮持鉗壘慟哭水
濱擲銅錢紙錢於水汲歸浴屍謂之買水否
則鄰里以為不孝

僚人

僚人古稱天竺咳首焦僂跣躡穿胸僂耳狗
軼旁脊謂之八蠻其支而尤異者則有飛頭
鑿齒鼻飲花面白衫赤視之屬今嶺表左右
及海外諸國在在有之而僂耳交趾遂以名
郡其俗各以其黨沿習不一好依深山積木
以居名曰干欄以射生為活雜食蟲豸以鼠
子未_毛者啖以崖蜜嚼之跳躍唧唧有聲號
曰蜜唧以為珍具無版籍部勒每村推其長
有智者役屬之號曰郎父死子繼餘稱提

陀提陀者猶華言百姓也歲首則即火以土
盃十二貯水隨辰位布而禱焉經夕集衆往
觀若寅有水而卯涸則知正月雨二月旱餘
俗大畧與徭獠同而好殺尤甚父子有隙手
刃者先之若殺其父走避於外得一狗以謝
母然後敢歸母得狗謝不復嫌恨報讎相擊
必食其肉而卧其皮所殺之人美鬚髯者剝
其面而籠之竹木鼓噪而祭之以徼福利聞

黎人

黎人鳴蠻也。今為瓊崖儋萬四州治。黎有生
熟二種。生黎有名無姓。不受約束。熟黎慕化
服役。稍同編氓。多符王二姓。其地有五母山。
山之中皆黎族盤據聚而成村者。曰崗崗。各
有主父。死子繼。夫亡妻及男子文身椎結。挾
刀控弩。婦人戴鶉笠。爛衣有裙而無袴。春時
笄女戲鞦韆。以誘散仔。携手蹋歌。名曰作劇。
女伴互施針筆。涅兩臉為蟲蛾花卉。名曰繡。
面以色絲和吉貝雜織為錦。釀酒多雜榴花。

生沉香龍涎
珠
觀
事

地產水沉龍涎犀象翡翠珠玕異物親死不
哭啖生牛肉以表哀痛塋則昇櫬而行前以
鷄子擲地不破即為吉穴也客至未識者主
人穴隙窺之客儼然矜莊始遣奴布席客坐
移時主人乃出不交一言少選置酒先以惡
草具進客食不疑乃喜更嘉肴款曲即親串
高會不脫兵仗三爵後請各弛備然終不離
酒所警歎為忤便握刃相戕時時剽掠省界
為害也

見嶺南續聞

蜚人

蜚人瀕海而居以舟為宅或編蓬水許謂之水欄以漁釣為業辯水色以知龍居故又曰龍人善汨水採珠螺以繩引石縋人而下手一刀以拒蛟龍之觸得珠螺則以刀擊其繩舟人疾引而出之稍遲則氣絕矣

見嶺海續聞

馬人

馬人本林邑蠻相傳隨馬援北還散處南海其人深目假喙以採藤捕蠅為業或曰盧循

遺種也故又曰盧亭云

見嶺南雜記以其不詳故復著之

南村輟耕錄曰元末盜起陶夢禎舉師勤王聞苗善鬪遣使招之因得入中國遂不復可控制其衆無尺籍伍符無統屬節制相謂曰阿哥曰麻線稱主將亦然喜着斑斕衣製衣袖廣狹脩短與臂同長不過膝袴如袖裙如衣總名曰草裙草袴固胫以獸皮曰護項勒腰以帛懸兩端於尻後若尾無間晴雨被氈毯狀絕類犬按邕管雜記溪蠻叢笑諸書載

五溪蠻盡槃瓠種曰徇曰徭曰獠曰獫狁曰獯
曰狁曰狁狁曰狁狁曰狁狁曰狁狁曰狁狁曰狁狁
猶犬信然軍無金鼓鳴小鑼以節進止鑼若
賣貨卽所敲者夜遣卒伏路曰坐草軍行抄
掠曰檢刮言盡取靡有所遺也所過無不殘
滅擄得男女凡老羸者甚幼者貌陋者盡殺
之壯者曰土匪少者曰賴子皆驅為奴人投
其黨者曰入火婦人艷而哲者畜為婦曰夫
娘人有三四婦多至十數一語不合卽刺以

亦與處者得至日莫無事則自賀過一日破
松江火一月不絕城邑殆無焦類自保嘉興
僅存孤城城外焚燹無餘窮目所至無寸草
及木禽獸之行絕天逆理民怨且怒共攻殺
之又曰元之將若相無遠畧奉將天威乃借
重於非類正猶開虎兇之柙使赴牛羊耳一
何愚哉

嘉靖間倭夷躡蹂閩越官軍望風卻避莫敢
與聞不得已亦召苗兵僅數千入閩所過殘
暴官府閉城門從城上鎗米肉給之村落皆
挈家遁入深谷雞豕器物不能携者屠剥破

毀無遺路絕行人不幸遇之即斷臂剗腸相
視以為快其慘虐無異於倭乃知輟耕錄所
載可為永鑑

炎徼紀聞曰諸蠻縱而惡法戇而易欺衛官
與廂豪交市倚法為奸丁剝而戶漁之得利
則為之掩慝匿罪透引剽掠一不當意則宣
露宿惡傳以醜辭聳動官府稍不加察輕舉
損威釀成大禍至於調發土官往往方命不
受節制賊未及平而所過良民已遭荼毒矣
又曰諸蠻俗醜惡不足錄錄之有深意焉堪

輿卞分函夏之地黎首蠢蠢無異鳥獸帝王
賢聖迭作獎掖以仁義陶鎔以禮樂而匡弼
以刑罰然後人知衣冠之華飲食之美而彝
倫之重其在四裔魑魅之與遊豺狼之與居
仁義禮樂刑罰之具曾未目覩猶函夏之初
然何恠其俗之醜惡也夫風氣人文相依周
轉四隅之地首西北次東北又次東南而西
南其最後也周封箕子于朝鮮即為嘉域而
淮徐之區擯為戎夷泰伯端委以治吳不革

祝髮文身之習秦漢開百蠻徙閩民於江淮
是固薦莽狐兔之墟也乃今聲華文物軼中
州矣唐蒙通夜郎閉於昆明元方拓土猶羈
縻之耳入國朝遂列郡縣而西洋海國亦
皆賓貢蓋氣化漸開則人文漸被若旋風披
拂自西北而極於西南之明驗也焉知百世
之後滇棘之奧不如閩廣之交而八百車里
諸夷不有登圖籍置官吏之日乎

諸夷考三卷目

西南夷畧

天度

風氣

地里

山川

草木

鳥獸

魚蟲

五穀

種類

飲食

居處

婚姻

刑罰

生理

俗尚

交易

城郭

器用

歲朔

禮節

邪術

土產

戰陣

漢書地理志曰匈奴
池地多水草
剽掠
聲

形勝

夷情

哈語音明國入戶利公東音蘭不

滇夷部落尤繁曰阿昌曰百夷曰老緬曰
蒲曰棘曰剽曰杜怒曰哈喇曰古刺曰得
稜曰遮些曰安都魯曰牛噠喇曰孟艮曰
赤髮已見種類條下又有曰爨曰麼些曰
禿老曰些門曰白夷曰上獠曰和泥蠻曰
羅舞曰撒麼都曰摩察曰濃人曰山後曰
哀牢曰蛾昌蠻曰解蠻曰魁羅曰傳尋未
及詳考故從紀中所列天度地里為目云

西南夷風土紀

西南夷漢武帝時已通中國蜀漢中復叛武侯定之晉魏唐間或叛或復宋則以王斧畫瀘水遂與之絕矣胡元奄有西域乃復屬焉國朝兵平六詔諸夷納土各因其酋長立為宣慰安撫等官俾自治其地以時貢賦曰車里曰老撾曰木邦曰八百曰孟養曰緬甸所謂六宣慰國初舊封也曰南甸曰干崖曰隴川曰孟密三宣撫一安撫則正統時王驥討

平麓賊思任父子之亂遺孽播遁迤西請其
棄地封有功也撰古舊得稜池古剽國夷言
朱閣婁又謂之朱波國處南海之濱遠在諸
夷之外自古不通中國晉魏間傳聞永昌西
南三千里有剽國君臣父子長幼有序唐貞
元中王雍羗聞南詔畢牟尋歸唐有內附心
隨遣弟悉利福城五難陀獻其國樂至成都
劔南節度使常樂復譜次其音聲以獻於是
始與中國通近歲師克隴川獲莽人猷得其

樂器形類笙篴其聲和其音哀聽之凄然得
非兵戈亂離音隨世變也歟莽瑞體者緬甸
宣慰之裔也先時麓賊父子皆為緬縛獻後
燭火復熾于孟養遂與緬世相讎殺嘉靖間
差官勘處竟不思其原為討賊以挑隣釁乃
取其金牌符信而還瑞體窮無所歸逃於整
古動心忍性脩行學佛得稜子無主聞其賢
迎立為達刺達喇者華言公道主人也各夷
分境而治風土既殊氣習頗異勇怯情偽互

有差別草木禽獸亦復不同咸據見聞而載記之以備事經畧務該博者考云

○天度二月春分日當出卯氏十六度而出房一度當入酉昴一度而入胃十六度較之中州似稍過南夜觀斗極乃在子癸之間又似少偏西也蚤暮霧霏薰蒸烟霞掩映夏秋多雨春冬稍晴雪霰冰霜則絕無矣風常溫而不清月常赤而不朗雖深冬雷不收聲電不藏光常夜于營中見大星白而芒燭地有光

如月墜于夷民之家詢之乃蟲光也

○風氣四時皆熱五六月間水如沸湯石若爍
金三宣蠻莫迤西木邦茶山黑麻皆瘴癘毒
惡緬甸八百車里老撾擺古雖無瘴而熱尤
甚華人初至亦多病久而與之相習癸未歲
除之日師度沙木籠山聞杜鵑聲次日則甲
申元旦也次戶宛關綠草飛蝶已而軍蠻莫
夷人獻青豆紫茄匏瓜之類蓋地氣四時如
春夏也

○地理總諸夷而度六千餘里東通中國南濱海隣暹羅界西抵西洋大小古刺赤髮野人小西天去天竺佛國一間耳北接羗戎吐蕃但山則懸崖峭壁河則黑水弱流遙見隔崖粉墻廬舍儼然車馬往來而世莫能通焉亦不知為何地也

○山川原派皆起自崑崙東山自騰冲分水嶺西山自迤西鬼窟山對峙南下分枝衍派導海濱而止金沙江自迤西南流縈于兩山之

間會檳榔大盈龍川喇乃木邦虎又溫板諸
江之水達于南海三宣孟密木邦緬甸八百
車里檳榔古俱在江東迤西大小古喇邏邏則
居江之西也山澗多蝮蛇孔雀其水多毒蒲
窩之外有毒泉鳥獸飲之無不即死毛骨積
泉傍者不知幾許緬甸有江名粘利其流百
折其水鹹黑人馬皆不敢飲行旋過此回回
夷汲水以濟其渴夷中溫泉最多炎荒地氣
使然也

○草木暢茂，蓋居民稀少，斧斤不加，牛羊鮮牧，故耳。山多巨材，皆長至數百尺，大至四五十圍，所可識者，杉、楠、檣、櫟、榆、楓，數本而已。餘皆入眼平生未曾見也。緬甸所屬地名孟浩，有樹葉如車蓋，土民取之代瓦，蓋屋。茶山光腦產魚古竹，節長丈餘，蠻莫山中木多連理。潞江以外道傍草皆自相糾結，謂之揪頭瘴。發則如此也。迤西溪壑之間，有草如蘭，吐穗開花，狀如蝴蝶，卻則隨風飄颺，直上為真蝶矣。

附于高木仍為花結子可噉緬甸有山名波
羅四面皆絕壁獼猴亦不能升厓顛有草結
子累累相貫土人於厓下誦經禮拜其子自
墜抽去其心引繩穿之則數珠也緬甸金塔
寺有佛果樹結實類人頭芭蕉檳榔實如盃
而尖味皆香美取以供佛雍會海中水草蔓
生實如雞頭苞時至其苞自裂內皆小魚迸
出土人視草之疎密卜魚之多寡等練之下
溪不盈丈溪之內竹皮軟如麻折而為縷可

供索絢織履之需溪之外則枝節剛勁以之作弓弩堅勝骨角溪以東一年一穫以西則歲兩告成咫尺迥異地氣所鍾固如是也

○鳥視中國之所無者鸚鵡孔雀獸視中國之所無者象也然夷中鳥亦無鴈雉獸亦無狐而白鶻鳩又中國之所無也夷中燕語嗟嗟不若中國之呢喃足聽緬甸有鳥四足肉翅大如鵠其鳴似鶴能飛而不能遠其雛胎生飛行則負雛于背不踐稼穡不食生虫殺之

必見不祥故千百為群人亦不敢相害去騰
冲五十里地名緬箐近出二獸大如駱駝毛
碧綠色獅首象蹄牛尾有齒無牙頂心肉角
隆起見人則伏地而鳴亦莫通其意土人殺
一誤以為麟白于陳州守取皮視之非麟也
命藏于庫其肉暴露數日全無臭穢氣蠅蚋
不附著誠大可異傳聞先年八百見此隨與
莽酋構兵然則非惡獸亦非嘉瑞矣畜產與
中州不殊惟雞差小好鳴其音淒切凡夷人

死無噍類牛馬豬羊雞犬皆為鬼畜人不敢
收縱之於野聽其孽生是以山多野畜

○魚之所同者鯉鯽餘皆不可識別大盈金沙
之內魚甚多見人馴擾不必網釣舉手可得
大者數十百斤但味薄不嘉耳昆虫蚱蜢蝸
蜒之類夷人皆生啖云解煩熱有虫曰隊隊
者形如壁虱生有定偶斯須不暫離夷婦有
不得于夫者飼於枕空中則其情自翕合土
官目把富夷之妻皆不惜金珠易之葬酋城

濠內畜有異魚身長數丈嘴如大箕以尾擊物食之閑以重柵恐其逸出傷人每日以渾猪羊飼之緬人名為龍殆鱷魚之類歟江頭馬高魚大如牛蝦大如鴨老樞一番僧駐錫水涯水內白龜長闊丈餘僧每誦經龜必出聽僧若出遊水陸背乘往還至今尚存僧固高僧而龜亦神龜也

○五穀惟樹稻餘皆少種自蠻夷之外一歲兩穫冬種春收夏作秋成孟密以上猶用犁耕

入聲

才

才

才

才

腴故也。凡田地近人烟者，十墾其二。三去村寨稍遠者，則迴然皆曠土。夏秋多瘴，華人難居。冬春瘴消，儘可耕穫。若待營堡既固，地方稍寧，募彼熟夷，給以牛種，擇厥田之上上者，每歲冬春屯種一番，可以代轉輸之勞。事經畧者，其善圖之。緬甸所屬地方，名板楞野生嘉禾，不待播種，耘耨而自秀實，謂之天生穀。每季一收，夷人利之。

○種類曰阿昌曰百夷曰老緬曰蒲人曰棘人
曰剽人曰杜怒曰哈喇曰古喇曰得稜子音曰
遮些子音曰安都魯曰牛噠喇音曰孟艮子曰赤
髮野人女多男少蓋西南坤極也貧者亦數
妻富者數十官舍目把勳以百計三宣官目
蓄髮加冠六宣土官舍把禿頭戴六舍五彩
尖頭夷帽其餘部夷男髡頭長衣長裙女堆
髻短衣桶裙男女無貴賤皆穿耳徒跣以草
染蔭成

女自生下不剃頭髮以

白布纏之陽物嵌緬鈴或二或三三宣六慰
首目亦有嵌之者男子皆黥其下體成文以
別貴賤部夷黥至腿目把黥至腰土官黥至
乳塗體男以旃檀女以鬱金謂極黃為美自
阿瓦以下女色亦多艷麗漢水關外有等緬
夷男子駝頭驍勇女亦便捷夫死則髡其頭
不再適得稜子男駝頭不着上衣下體以尺
布蔽之女蓄髮亦不着上衣止以花帨圍腰
下安都魯遮些子皆迤西遺種男子藤盔藤

甲不畏刀鎗女子上下圍以花悅手束紅藤
為飾牛噠喇男戴黑帽有鬚者剃之止留左
畔一縷無鬚者引髮下繫於腮以當之古喇
貌極醜惡上下如漆男戴黑皮盔女蓬頭大
眼見之可畏孟艮子性猛好鬪偏體黥以花
草魚鵲其餘車里八百老撾總而名之皆曰
百夷男女與六慰不異服飾多與緬同赤髮
野人無部曲不識不知熙熙皞皞巢居野處
遷徙不常狀類山魃上下以布圍之猿猴麋

鹿皆與之遊云禽獸無幾蒲人棘人阿昌乃
在邦域之中雜華而居漸變於夏間有讀書
登芹泮納粟為吏承者矣

○飲食蒸煮炙燂多與中國同亦精潔可食酒
則燒酒茶則谷茶飯則糯米不用匙筯以手
搏而齧之所啖不多筋力脆弱自孟密而下
所食皆樹酒若櫟樹葉與果房皆有漿可浥
取飲不盡煎以為飴比蔗糖尤佳又有樹類
枇杷結實頗大取其漿煮之氣味亦如燒酒

飲之尤醉人又以竹笋為醋味頗香美惟醃
鮑臭惡不堪食矣

○所居皆竹樓人處樓上畜產居下苦蓋皆茅
茨緬甸及撮古城中咸僭立殿宇以樹皮代
陶瓦飾以金謂之金殿炎荒酷熱百夷家多
臨水每日侵晨男女群浴野水中不如此則
生熱病惟阿昌枕山棲谷以便刀耕火種也
○婚姻不用財舉以與之先嫁由父母後嫁聽
其自便惟三亘稍有別近華故也其餘諸夷

同姓自相嫁娶雖叔姪姊妹有所不計養着娶葬瑞體之女叔娶姪也着女嫁葬應理妹適兄也夷狄禽獸大畧如此

○治理多如腹裏土司其法惟殺戮與罰贖二條事情罪重者殺之餘則量所犯之大小為罰之輕重緬人崇佛教凡罪人願舍身為僧者即止不治葬瑞體治亦尚寬人犯法當死不加刑惟乘以小舟量載飲食置於海洋之外聽其漂沒自盡間亦有遇救者然終不敢

返故土也。應理性極慘刻，凡有罪者，群埋土中，露頭於外，以牛糞之，復覆以柴草，舉火焚之。彼自縱觀以為樂。江頭城外有大明街，閩廣江蜀居貨遊藝者數萬，而三宣六慰被擄者復數萬。頃歲聞天兵將南伐，恐其人為內應，舉囚於江邊，縱火焚死，棄屍蔽野。塞江諸夷所以叛彼來歸者，皆由其殺戮太過，驅之也。當時肯從各酋長之請，王師進至孟密，應理之頭懸於麾下矣。主將昧於大計，至今可

為扼腕

○治生男耕稼女織紝土地肥饒米穀木綿皆賤故夷中無饑寒空乏者男顧好閑而女勞力治外負戴貿易以贍其夫蓋女壯健而男萎靡也

○俗尚佛教寺塔徧村落且極壯麗自緬甸以下惟事誦經俗不殺牲所以鳥獸與人相狎凡有疾病祝佛以僧代之或一年二年三年募人為之唯古城江心一山頗奇上有金塔

大寺、唐僧曾寄宿焉。緬甸別有支更城，上建二塔以金飾之。其下大小寺不可數。猛別城有金塔二，金飾寺數區，別有妖精洞，可望而不可到。都魯濮水關有唐僧晒經臺。溫古城有金塔寺，塔如阜，周圍有金飾殿四十間，懸寶旛皆木刻以金飾之。塔點萬年燈，塔頂遙望莽酋城，如在指掌。又別有金飾塔寺，中懸莽酋像，實碩大耳，扁目闊頤，貌魁梧，纏以布色。

不綠錦，不襯跣足，聽往來者觀。

板古有河名曰流沙唐僧取經故道貽記甚多城中有積髮金臺臺下池池內有五色芙蓉四時不絕亦有晒經臺歇涼樹妖魔洞緬人稱為西方極樂世界

○交易或五日一市十日一市惟孟密一日一小市五日一大市蓋其地多寶藏商賈輻輳故物價常平貿易多婦女無升斗秤尺度用手量用羅以四十兩為一載論兩不論斤故

用等而不用秤以銅為珠如大豆數而用之
若中國之使錢也

○城郭有雉堞而無樓櫓孟密準古緬甸普幹
普坎得亞洞吾等溫白古馬高江頭皆古城
也惟擺古乃莽酋新築然高者不過十餘尺
大不過三數里惟緬甸擺古江頭差宏闊耳
普坎城中有武侯南征碑緬人稱為漢朝地
方江頭為門十二東入者東出西入者西出
南北如 出入不由故道者罰之夾道有

走廊三

至擺古等溫城每日中為市市

之周圍亦有走廊三千餘間以避天雨

○器用陶瓦銅鐵尤善采漆畫金其工匠皆廣
與中國侔漆器貯鮮肉數日不作息銅器貯
水竟日不冷江海舳艫與中國同擺古江中
莽應理僭用金葉龍舟五十艘中設金花寶
座目把所乘皆木刻成象頭魚頭馬頭鴨頭
雞頭等船亦飾以金周圍罽畫甚華麗部夷
船亦如之但不以金飾也海水日潮者二乘

船載米穀貨物者隨之進退。自古江船不可
數。高者四五尺。長至二十丈。大桅巨纜。周圍
走廊。常載銅鐵磁器。往來亦閩廣海舶也。歟。
○歲時三宣六慰皆奉天朝正朔。擺古無曆。
惟數甲子。今亦竊聽於六慰。頗知旬朔矣。
○禮節不知揖讓。見人惟掌作恭敬狀。凡見尊
貴有所稟白。必俯伏盡恭。子之于父。不命坐。
不敢坐。侍側亦不敢怠忽。古傳父子君臣長
幼有序。道風也與。

通西出
雁生文石
河錫

○邪術三

曰卜思鬼婦人習之夜化為猫

犬竊人豕遇有病者或舐其手足或嗅其口
鼻則舐其肉唾于水中化為水蝦取而貨之
蠻莫之外有曰地羊鬼髡頭黃眼面黑而貌
陋惡者是也能以泥土沙石換人及牛馬五
臟忤之必被其害初聞以為恠誕後軍蠻莫
威遠營有火藥匠與夷人鬪已而病歿其兄
焚之滿腹皆泥沙軍回過張擺箐見道傍二
屍如蟬蛻詢之乃思鬼所舐者始知二說皆

不謬也。卜思鬼惟狗可以碎之地。羊鬼貼身服青衣即不能相害。凡入夷者不可不知。

○土產孟密東產寶石產金南產銀北產鐵西產催生文石芒市亦產寶石產銀孟艮孟連亦產銀迤西產琥珀產金產阿魏產白玉碧玉茶山產綠干產黑玉車里產貝緬甸西洋出大布而夷錦各夷皆出惟古喇為勝象牙諸司皆產獨老撾居多象牙供器阿魏入藥與六

昂固皆非棄物然微象牙豈無

以適用

魏獨不可治療乎。中國之吳淩

越羅溫厚華美可衣可裳。又何取於大布夷
錦哉。至若寶玉琥珀寒不可衣。饑不可食。取
用不無騷擾。商販未免通夷。撫臺近加嚴禁。
既峻邊關之防。復抑華侈之風。得大體矣。

○戰鬪惟集後陣。知合而不知分。每以鳥銃當
前。牌次之鎗。又次之象。繼鎗後短兵既接。象
乃突出。中華人馬未經習練者。見象必驚怖。
辟易。彼得乘其亂也。破之之術。必設疑以分

其勢設險以斃其象出奇以搗其堅橫冲以
亂其陣夷中本脆弱恃象以為強能曉破象
之訣則夷兵不足敗也火籠火磚火毬火箭
噴筒霧砲九龍六龍桶皆破象之長技然施
放必得其法攪地龍飛天網地雷砲尤殺象
之巧術而布置自有其方誠能講究得其妙
用可以挽南滇而滌炎荒之焰播蘇薰以掃
紫塞之烟何必扼蠻哈而畫金沙据姚關而
阻查里

下弱哉

○形勝唯

獨擅後雍蠻哈前阻金沙上通

迤西單牙茶山中通于厓蘭甸隴川水邦在

市下通孟密緬甸八百車里擺古誠為水陸
交會要區諸夷襟喉重地兼以田地肥饒一
年兩收若於此處築堡設屯且耕且守數年
之後將見陳陳相因轉輸可省流移日聚生
齒漸蕃家自為守人自為戰而寡兵亦可撤
矣且居莽賊上游虎視六慰虜在目中設欲
犁庭掃穴建瓴之勢易為力也次則迤西其

地上抵麗江下接擺古左至西竺右倚金沙
內有孟倫安都六之勁兵中有謙底底乃之
險峻外有孟戛里孟掌之兩卒土地殆將有
木邦孟密緬甸三宣之廣寶藏之富生齒之
繁莫如孟密五穀之饒布帛之多莫如緬甸
八百魚鹽之利貿易之便莫如車里擺古緬
甸司治檳榔木邦兩江環帶水陸通達緬人
不容華人由之恐天朝取徑也車里亦有
九龍江

聖老嫗倚山帶河土地延袤山

溪險要

迤西埒人木習于水戰乃莽首

之勁敵若能招徠亦樹黨益敵之一策也木
邦自昔稱雄為永昌之藩蔽惟外無可恃之
險三宣素號富庶實騰越之長垣有險而不
知設故年來俱被殘破凋敝不振反藉官兵
以為彼守禦必須厚其生以蘇其困養其銳
以作其氣俾能自立庶騰永之藩垣有賴而
兵餉皆可少省矣

○古夷中自孟密以上山多寶靈莫以下地饒

五穀當國初兵力盛時剪荆棘為樂土易
鱗介以冠裳特轉移間耳然瘴癘毒惡漢人
難居固天所以限華夷也祖宗不忍逆天
犯忌薄示羈縻治以不治二百年餘頗稱無
事邇來莽瑞體避讎整古談佛惑衆雄據南
滇木邦孟密因來襲職駁勘刁難二酋相繼
投莽求立迤西與莽相持求援不得亦析而
入莽莽遂兼併八百蠻食車里漸召老撾於
六慰皆屬莽焉然而敬畏天朝不敢輕犯

疆場原夫夷人之性不甚兇殘夷人之情無
大奸詭夷人之心頗知忠順可以誠感不可
以威劫古人治夷以攻心為策無出此矣
思任父子之亂正統間再煩大兵雖幸底平
而準兇漏網餘孽復熾至萬曆壬午癸未間
緬甸交訐滇雲騷驛發數道軍食往討朱中
丞孟震時為川貴藩臬長與其事以上二十
六條皆其所手錄者核而且詳故備著焉